



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. XIV. Alia D. Thomæ testimonia exponuntur

[urn:nbn:de:hbz:466:1-77355](#)

131. Sed hæc, ut dixi, nullius sunt roboris. Ad pri-
mum enim facile respondetur, quod licet motio
prædeterminans ejus sit conditionis & naturæ,
ut è positiâ necessariò seu infallibiliter sequa-
tur effectus, tam in causis liberis, quâm in na-
turalibus, diversimodè tamen; nam ita cau-
sas necessarias ad unum per modum naturæ mo-
vet & applicat, ut nullam in eis relinquat poten-
tiæ ad oppositum, quia hoc ita exigit illarum
natura; unde è positiâ effectus sequitur neces-
sariò, necessitate absoluta, quæ omnem liberta-
tem & contingentiam tollit: causas verò libe-
ras ita ad agendum impellit, ut tamen in eis re-
linquat potentiam ad oppositum, quia natura &
conditio causa liberæ hoc exposcit; quare
è positiâ effectus sequitur necessariò necessitate
tantum infallibilitatis, quæ libertati & contin-
gentiæ non præjudicat. Unde D. Thomas qu.
22. de veritate art. 5. ad 3. sic ait: *Quamvis non posse*
effectus divine voluntatis non possit simul stare
cum divina voluntate, tamen potentia deficiendi
effectum divina voluntatis, simul stat cum divina
voluntate. Et in 1. ad Annibaldum dist. 47. qu.
unica art. 4. ad 2. *Quamvis contrarium ejus quod*
est voluntum Deo, non possit stare cum voluntate
divina; possibilitas tamen ad contrarium potest
stare cum ea, propter contingentiam causa media;
& hoc sufficit ad hoc ut effectus sit contingens, &
non necessarius.

132. Ex hoc patet solutio ad secundum, & discri-
men inter creaturas rationales & irrationales: C
nam creature rationales & liberæ, sub motione
prædeterminante retinente potentiam ad oppo-
situm; subindeque dominium actuale in prop-
rium actum, quem ita eliciunt, ut possint non
elgere, vel ab illo cessare, potentia antecedentiæ,
& in sensu diviso; non verò creature irrationa-
les & necessariae: quando enim ignis v. g. mo-
vetur ad calefaciendum, vel sol ad illuminan-
dum, ita ad hunc actum applicatur, ut sub motione
divina non retineat potentiam, etiam ante-
cedentem, seu in sensu diviso, ad negationem
eius, vel ad actum oppositum. Dixi, *sub motione*
divina, quia posse non agere in sensu diviso,
non est posse non operari, divisâ, semotâ, & ve-
luti excusâ motione prædeterminante (ut per-
feram supponit Adversarius toto illo opusculo)
sed sub ipsa motione retinere potentiam ad non
agendum, vel ad agendum oppositum, ut alibi
fusè exposuimus.

133. Ad tertium respondeo, quod quando S. Tho-
mas docet futura contingentia non posse certò
cognoscî in suis causis, loquitur de causis secundi,
se consideratis, & prout abstractiunt à divi-
no decreto prædeterminante (sic enim non pos-
sunt esse medium ducens ad certam & infallibili-
tem futurorum contingentium notitiam, ut con-
tra Molinam ostendimus in tractatu de scien-
tia Dei) non verò de causis secundis, prout sub-
sunt divina motioni & prædeterminationi, seu
quatenus efficaci divinæ voluntatis decreto sub-
ordinantur; sic enim habent rationem medij, in
quo Deus futura contingentia certò & infallibili-
ter cognoscit, ut docet D. Thomas i. contra
gent. cap. 67. ratione 3.

134. Nec obstat quod idem S. Doctor variis in lo-
cis recurrat ad præsentiam futurorum contingen-
tium in æternitate: Tum quia talis præ-
senta prioritate naturæ supponit decretum
prædeterminans voluntatis divinæ, quo hu-
jusmodi futura transferuntur à statu mere pos-
sunt. cap. 67. ratione 3.

Tom. III.

A sibilitatis ad statum determinatae & infalli-
bilis futuritionis, ac in eo tanquam in ratione
à priori & causa virtuali fundatur: Tum etiam,
quia per hoc intendit declarare, scientiam Dei,
respectu futurorum contingentium, non esse ab-
stractivam, & simplicis intelligentia (qualis
est cognitio Prophetarum) sed intuitivam & vi-
sionis, qualis est cognitio rei præsentis. Vel
etiam vult significare, quod scientia Dei respe-
ctu futurorum contingentium, est certa & in-
fallibilis omnibus modis, & non habet solum
certitudinem & infallibilitatem ex parte mediæ
in quo fundatur (decreti scilicet prædetermi-
nantis) sed etiam ex parte objecti quod contem-
platur, quod quando cognoscitur ut præsens in
æternitate, ratione talis præsentialitatis, habet
quendam specialemodum certitudinis, quem
non habet ex efficacia & infallibilitate divini de-
creti, ut in tractatu de scientia Dei fusè expo-
suius.

Dif. 4.
art. 5.
§. 5.

S. XIV.

Alia D. Thomæ testimonia exponuntur.

Q B I C I T Adversarius sect. 3. difficile D.
Thomæ testimoniū, desumptum ex hac
parte quæst. 9. art. 6. ad 3. ubi expoens qua ra-
tione Deus moveat voluntatem hominis ad
agendum, & tamen non sit causa peccati, sic ait:
Deus moveat voluntatem hominis. sicut uniuersalis
motor, ad universale objectum voluntatis, quod
est bonum, & sine hac universali motione homo
non potest aliquid velle: sed homo per rationem
determinatus ad volendum hoc vel illud, quod
est verè bonum vel apparente bonum: sed tamen
interdum specialiter Deus moveat aliquos ad ali-
quid determinatè volendum, quod est bonum, si-
cuit in his quos moveat per gratiam, ut infra dice-
tur. In quibus verbis (subdit Petrus à S. Ioseph)
tria ponderanda sunt: Primum est, quod Deus
moveat voluntatem hominis, sicut universalis
motor, ad bonum universale; quis scilicet ei
tribuit naturalem inclinationem ad tale bonum.
Secundum, hominem ex proprio rationis judi-
cio seipsum determinare ad volendum hoc vel
illud bonum, sive verum, sive apparente; id est
tam ad actum bonum, quâm ad malum, ita
ut ad neutrum aliunde determinetur. Tertium,
quod etiâ voluntas se determinet ad volendum
hoc vel illud, interdum tamen propter specia-
lem rei exigentiam, Deus movere aliquos per
gratiam ad aliquid determinatè volendum, ut
quando Deus hominem excitat ad actum contritionis
vel amoris Dei. Hæc autem aperte impu-
gnant prædeterminationem physicam, juxta
quam voluntas à Deo inclinatur & determina-
tur, non tantum ad bonum in genere, sed etiam
ad bona particularia, tam quoad specificatio-
nem, quâm quoad exercitum: neque solum re-
quiritur præmotio aliqua specialiter propter
actus bonos ordinis supernaturalis; sed ea etiam
generatum necessaria dicitur ex munere primæ
causa, & ob indifferentiam voluntatis ad omnes
actus naturales, sive iij boni sint, sive mali.

Huic celebri D. Thomæ testimonio adjungit
Adversarius duo alia desumpta ex libro 2. ten-
tentiarum. Primum habetur dist. 25. qu. 1. art. 1.
ad 3. ubi S. Doctor sic ait: *Determinatio actionis*
& finis in potestate liberi arbitrij constituitur,
unde remanet sibi dominium sui actus. Ex quo
patet, Deum ita operari cum libero arbitrio,
ut ei relinquat facultatem seipsum determinan-

136.

Y ij

DISPUTATIO SEXTA

172

di, & dominium sui actus: neutrum autem relinqueret, si illud ad agendum prædeterminaret; quomodo enim potest scipsum determinare, si ab alio ad talem specie & numero actionem prædeterminetur? quomodo etiam potest ipsi relinqui dominium sui actus, si posita prædeterminatione necesse sit ut homo agat ad quod imbellitur, neque possit talem actum suspendere?

^{137.} Aliud testimonium defumus ex dist. 28. ejusdem libri quest. i. art. i. ubi S. Thomas ita scribit: *Non est homo liber arbitrij, nisi ad eum determinatio sui operis perineret, ut ex proprio judicio eligeret hoc aut illud.* Sed qui aliquid eligit ex prædeterminatione physica, non eligit illud ex proprio judicio: nisi dicas physicam prædeterminationem esse proprium judicium operantis: Ergo talis prædeterminatione non est ad mentem S. Doctoris.

Confirmatur: Eligere aliquid ex proprio judicio, est eligere illud cum potestate non eligendi: Sed ille qui ex prædeterminatione eligit aliquid, non habet potestatem illud non eligendi; non enim datur potestas ad impossibile, sed tantum ad id quod fieri potest: Ergo non eligit ex proprio judicio.

^{138.} Ad primum respondeo D. Thomam ibi solùm constituere discrimen inter motionem Dei in ordine ad bonum ut sic, & in ordine ad bona particularia; consistens in eo quod ad primum adæquatè applicat & determinat voluntatem, ipsa solùm elicitiè concurrens; in ordine autem ad bona particularia, voluntas creata non solùm elicitiè, sed etiam applicative concurrens, applicando & determinando scipsum; non quidem ut primum applicans & determinans, sed ut secundum, & consequenter sub motione, applicatione, & prædeterminatione Dei ut primi moventis, applicantis, & prædeterminantis: ex quo non sequitur quod à Deo non prædeterminetur ad volitionem bonorum particularium, sed potius oppositum, ut infra patet.

Quod autem haec interpretatione sit legitima, patet, quia D. Thomas loco citato scipsum remittit ad tractatum de gratia, ad questionem scilicet iii. ut notatur in margine: ibi autem art. 2. explicans quid sit gratia operans, & cooperans, sic ait: *In illo effectu in quo mens nostra est mota & non movere, solus autem Deus movens, operatio Deo tribuitur, & secundum hoc dicitur gratia operans: in illo autem effectu in quo mens nostra & moveat & moveretur, operatio non solùm attribuitur Deo, sed etiam anima, & secundum hoc dicitur gratia cooperans.* Quibus verbis apertere docet, Deum in prima volitione finis ita movere & applicare voluntatem, ut ipsa ad talem actum elicitiè tantum, non verò applicative concurrat; unde in tali actu non potest peccare, alioquin peccatum Deo tribueretur, ut disputatio precedentis ostendimus: in volitione autem bonorum particularium voluntas non applicatur adæquate à Deo, sed ita ab eo movetur, applicatur, & determinatur, ut in suo ordine, & tanquam secundum liberum, scipsum moveat, applicet, & determinet; & ideo in tali actu potest peccare, & à regulis morum deficere. Unde Divinus Thomas per hanc responsonem & doctrinam recte solvit istud argumentum, quod sibi objecerat, nempe: *Deus non est causa nisi bonorum: si autem a solo Deo voluntas moveretur, nunquam moveretur ad malum: nam licet voluntas a solo Deo ut primâ causâ & generali motore, non so-*

lum ad volitionem boni in communi, sed etiam ad volitionem bonorum particularium moveatur & applicetur: quia tamen in suo ordine, & ut secundum liberum, scipsum moveat, applicat, & determinat ad volendum hoc vel illud particolare bonum, verum, vel appartenens, potest peccare, & à rectitudine divina motionis se subtrahere: sicut quia scriba ita moveat & applicat manum pueri ad scribendum, ut tamen iste scipsum moveat & applicet, in ejus scriptione potest reperiri deformitas, ac defectus; qui non in ipsum magistrum applicantem, sed in ipsum puerum scribentem reduci debet.

Sed instat Adversarius: D. Thomas loco cito ait: *Interdum Deus specialiter moveat aliquos ad aliquid determinatè volendum quod est bonum, sicut in his quos moveat per gratiam:* At hoc est falsum, si Deus non tantum ad bonum in communi, sed etiam ad omnia bona particularia voluntatem determinaret: Ergo juxta D. Thomam, Deus non prædeterminat voluntatem ad volitionem omnium bonorum particularium.

Respondeo D. Thomam illis verbis solùm significare voluisse, præter motionem generalem, quā Deus moveat & applicat voluntatem, & omnes alias causas secundas, sive naturales, sive liberas, & quae ad universalem Dei providentiam, causalitatemque pertinet; dari aliam specialem in ordine gratiæ, quæ solùm ad actus supernaturales se extendit, & ad Deum ut specialem motorem & provisorem attinet, ut docet quest. 109. art. 1. qui citatur in margine.

Ad secundum fusè respondimus in tractatu de voluntate Dei. Nunc breviter dico, quod licet Deus ut primum movens, & primum liberum, præmoveat & prædeterminet voluntatem ad operandum, hoc tamen non impedit quominus voluntas in suo ordine, & ut secundum movens ac secundum liberum, scipsum moveat & determinet: *Moveri enim ex se, non repugnat ei quod moveatur ab alio,* inquit S. Thomas 1. p. qu. 105. art. 4. ad 2. Unde sicut videmus quod generatio plantæ procedit à Sole, ut primo generante & alterante, à terra verò ut à secundo generante, & dependente ab influxu corporum celestium; ita ariter liberi arbitrij determinatio à Deo ut primo movente & applicante, & à voluntate creatæ, ut secundo libero & movente, producitur. Similiter etiam supremum dominium, quod Deus in ratione primæ causæ habet in nostris actus liberis, non impedit quod voluntas in eos habeat dominium inferius, & Deo subordinatum: quemadmodum, ut suprà dicebamus, supremum Regis dominium non tollit dominium utile & inferius, quod Vassallus habet in fundum. Et ideo recte dicit D. Thomas, quod *determinatio actionis in potestate liberi arbitrij constituitur, & quod illi remanet dominium sui actus;* subdit tamen: *licet non ita sicut primo agenti.* Quibus verbis (que ex industria omisit Petrus à S. Ioseph) apertere declarat, determinationem nostræ voluntatis, non ita esse in ipsius voluntatis potestate, quod non etiam descendat à supra Dei potestate, illam causante: quia dominium quod habet voluntas in suos actus, non est supremum, sicut illud quod competit primo agenti. Unde idem S. Doctor qu. 3. de potentia art. 7. ad 13. ait: *Voluntas dicitur habere dominium sui actus, non per exclusionem causa prima; sed quia causa prima non ita agit in voluntatem, ut eam de necessitate ad unum*

determinet, sicut determinat naturam; & idē A determinatio actus relinquitur in potestate rationis & voluntatis.

Quo etiam loco aperte docet, dominum quod voluntas habet in suis actus liberos, non omnem excludere prædeterminationem, sed tantum quae est per modum naturæ, & qua tollit indifferentiam judicij, & potentiam ad oppositum: alioquin non debuisset addere illa verba, ut eam de necessitate ad unum determinet, sed simpliciter asserere, quod Deus voluntatem non determinat ad unum; fuisse enim planior & clarior sensus, ut patet: sed de hoc infra redibit sermo.

Addo quod S. Doctor i. p. quæst. 19. art. 3. B ad 5. hoc statuit discrimen inter primum & secundum liberum, & inter voluntatem divinam & creatam, quid voluntas creata, cum ex se sit contingens, oportet quod determinetur ab aliquo exteriori ad effectum: Sed voluntas divina determinat seipsum ad volitum, ad quod habet arbitriudem non necessariam. Ex quo patet falsum esse, & menti S. Doctoris plane repugnans, quod sepe in prædicto opusculo repetit & inculcat Adversarius, nempe libertatem divinam & creatam in eo convenire, quid sicut Deus, præcisè ut liber est, ab alio quam a se non determinatur ad agendum; ita creatura, quam libera est, ita se determinat ad agendum, ut ad hoc, salvâ ipsius libertate, ab alio determinari non possit.

^{142.} Instat Adversarius, & ait de ratione domini esse, ut homo possit eligere hoc vel illud: Qui autem est prædeterminatus, non est indifferens ut eligat hoc vel illud: Ergo non habet dominium suorum actuum. Simili discursu utitur Suarez lib. 3. de auxil. cap. 42. num. 8. ubi ait ex nostra sententia sequi, nunquam voluntatem operari ut indifferente ad plura: Nam idem est indifferens esse, quid esse indeterminatum: Sed voluntas nunquam operatur ut indeterminata, quia semper indiget prædeterminatione, ut nos dicimus: Ergo nunquam operatur ut indifferens.

^{143.} Sed isti Authores hallucinantur, cō quid non distinguant duplē voluntatis indifferentiam: Alia dicit potentialis seu suspensiva; quia dicit carentiam seu suspensionem omnis actus: Altera vocatur actualis & positiva, quia voluntas ita actu eligit & se determinat, ut retineat potentiam ad oppositum. Licet ergo qui est prædeterminatus ad operandum, non sit indifferens indifferenti potentiali & suspensiā; quia prædetermination, quae est quadam divina actualitatis participatio, tollit suspensionem voluntatis, & asevit ab ea (ut ita dicam) rubiginem potentialitatis; subindeque ipsam actuat & perficit, aliquem defectum & imperfectionem ab ea tollendo, & ipsam reducendo de actu primo ad secundum: semper tamen sub tali motione prædeterminante, servat indifferentiam actualē & positivam; quia ita elicit actuad quem prædeterminatur, ut retineat (etiam prout stat sub illa motione) potentiam ad oppositum, ut antea exposuimus: unde licet tunc non habeat dominium potentiæ in actu quem elicit, habet tamen in ipsum dominium actualē, quod est multo perfectius; adeoque prout stat sub divina præmotione, est perfectior modo libera, & domina sui actus, quam esset antea.

^{144.} Ex quo patet responsio ad duo argumenta proposita. Ad primum enim distinguo Majorem:

De ratione dominij est ut homo possit eligere hoc vel illud: de ratione dominij potentialis, concedo Majorem; de ratione dominij actualis, nego Majorem, sufficit enim ad tale dominium, ut ita homo eligat unum, ut possit eligere alterum. Ad secundum similiter distinguo Majorem: Idem est indifferens esse, ac esse indeterminatum, indifferenti potentiali & suspensiva, concedo Majorem: indifferenti actuali & positiviā, nego Majorem: hæc enim ultima indifference importat actualē exercitum, seu determinacionem voluntatis ad unum actum, cum potentia ad negationem vel suspensionem ejus, vel ad eliciendum actum oppositum.

^{145.} Ad tertium testimonium desumprum ex distinctione 28. libri primi sententiarum, nego eum, qui eligit ex prædeterminatione, non eligere ex proprio judicio: licet enim prædetermination non sit proprium judicium operantis, ipsum tamen causat & efficit; quia eodem instanti quo movet & determinat voluntatem ad eligendum aliquod opus, applicat intellectum ad judicium practicum, quo judicat tale opus esse hic & nunc liberè eligendum: unde voluntas, quæ est appetitus rationalis, ita ipsum eligit, ut tamen servet potestatem ipsum non eligendi; non in sensu composito, sed diviso, sicut antea exposuimus. Per quod patet responsio ad confirmationem.

^{146.} Præter hac testimonia, adducit Adversarius eadem sect. 3. num. 3. alia quibus S. Doctor docet voluntatem ita se determinare ad actum, ut ab alio agente extrinseco non determinetur, ait enim in 2. dist. 39. qu. 1. art. 1. Ipsa potentia voluntatis, quantum in se est, indifferens est ad plura: sed quod determinat exeat in hunc actum, vel in illum, non est ab alio determinat, sed ab ipsa voluntate. Et qu. 3. de male art. 3. ad 5. Voluntas cum sit ad utrumlibet, per aliquid determinatur ad unum, scilicet per consilium rationis, nec oportet hoc esse per aliquid agens extrinsecum.

^{147.} His testimoniis duplex potest adhiberi responsio. Prima est, quod D. Thomas in his locis loquitur de determinatione voluntatis ad malum morale, quæ non est ab alio, sed à sola voluntate, ut prima causa deficiente, & disformiter ad regulas morum operante. Quod autem hæc interpretatione sit legitima, patet tum ex titulo illius articuli primò citati, in quo S. Doctor quærit, utrum in voluntate possit esse peccatum? tum etiam ex arguento quod sibi objicit qu. citatæ de malo, quod est hujusmodi: Omne quod se habet ad utrumlibet, indiget aliquo determinante, ad hoc ut exeat in actu: Sed liberum arbitrium hominis ad utrumlibet se habet: Ergo ad hoc ut exeat in actu peccati, indiget quod ab aliquo determinetur ad malum. Unde quando Sanctus Thomas ibidem respondebat, voluntatem à seipso, & non ab aliquo agente extrinseco determinari, manifestum est, ipsum loqui de determinatione voluntatis ad peccatum & malum morale.

^{148.} Secunda solutio est, quod quando D. Thomas dicit voluntatem ab aliquo agente extrinseco non determinari, intendit solum voluntatem creatam à nulla causa ejusdem ordinis, seu à nullo agente creato determinari, non tamen excludit agens increatum, quod cum sit causa ipsius voluntatis, inter agentia extrinseca propriè non computatur, ut docet idem S. Doctor locis §. 2. relatis. Item D. Bonaventura in 2. dist. 25.

qu. s. ponit distinctionem inter hæc tria , vo-
luntatem induci , immutari , & cogi , & dicit
quod voluntas induci potest ab agente creato ,
mutari vero ab alio non potest , nisi ab agente in-
creato , cogi vero ab aliquo non potest.

S. XV.

Alia argumenta solvuntur.

OBIICIT insuper Adversarius disp. 1. sect.
149. 4. Ex D. Thoma i. p. qu. 82. art. 2. ad 2.
Movens ex necessitate causat motum , quando
mobile omnino illi subditur : At nihil frequen-
tius asseverant Thomista , quæ motionem B
physicè prædeterminantem , perfectissimè sibi
subjicere voluntatem , scilicet ut ne quoad usum
quidem voluntas sibi motionem illam subjiciat:
Ergo motio prædeterminans de necessitate cau-
sat motum seu actum voluntatis.

Confirmatur primò : Idem S. Doctor ibidem
qu. 83. art. 1. ad 5. docet quod dispositiones quæ
sunt in voluntate non tollunt libertatem , quia
subjacent judicio rationis : Sed motio prædeter-
minans non subjacet judicio rationis , nec est in
potestate voluntatis eam habere , vel habitam
repellere : Ergo tollit libertatem.

Confirmatur secundò : D. Thomas qu. 22. de
verit. art. 6. in corp. ait : *Ex hoc aliud dicitur
necessarium , quod est immutabiliter determinatum
ad unum :* & qu. 6. de malo art. unico docet
non esse liberum , quod voluntas vitare non po-
test : At ratione prædeterminationis voluntas
immutabiliter determinatur ad unum , auctusque
reditur ab ipsa inevitabilis : Ergo per illam vo-
luntas necessitatur.

Confirmatur tertio : Idem S. Doctor ibidem
ita necessitatē à voluntate excludit , ut velit
voluntatem , etiā Deo motam , adhuc manere
indifferentem , & indeterminatam ad agendum
vel non agendum , ait enim : *Cum Deus om-
nia moveat secundum conditionem mobilium ,
ut levia sursum , & gravis deorsum , etiam vo-
luntatem moveat secundum ejus conditionem . non
ut ex necessitate , sed ut indeterminata se haben-
tem ad multa . Consequenter ergo rejicit eam
sentientiam , que docet voluntatem per motionem
divinam determinari ad unam partem.*

Ad objectionem respondeo , movens ex ne-
cessitate causare motum , quando ita sibi subjicit
mobile , ut in eo non relinquat potentiam ad
oppositum , secūs vero si relinquat in mobili po-
ssibilitatem ad oppositum , eamque foveat & conseruat : motio autem prædeterminans , juxta Tho-
mistas , sic movet voluntatem ad unum , quod
relinquit possibilitem ad oppositum ; & ita licet
in infinitum excedat capacitatem voluntatis , &
illam quantum ad applicationem & usum effica-
citer sibi subjiciat , eam tamen ex necessitate non
movet , sed per modum liberi , ut docet D. Thoma
locis supra citatis , præsertim i. p. qu. 83. art.
1. ad 3.

Addo quod , licet motio divina ex parte cau-
fæ in infinitum excedat capacitatem voluntatis ,
quia est effluxus à prima causa , & quædam di-
vinæ omnipotentiae participatio , ex parte ta-
men actus & objecti ad quod terminatur , non
adæquat totam voluntatis capacitatem , quia
illam non movet & applicat ad universale bo-
num , quod est adæquatum illius objectum , sed
solum ad quædam bona particularia , quæ sunt
ejus objecta inadæquata & partialia : unde licet

A entitativè non subdatur libero arbitrio , termi-
nativè tamen ei subjicitur ; nam actus , & ob-
jectum ad quod terminatur , voluntati omnino
subduntur ; quia , ut dixi , voluntas , prout sub-
est divinæ motioni , retinet potentiam ad non
eliciendum , vel suspendendum actum , ad quem
movetur , & ad non eligendum seu responendum
objectum quod profequitur.

Ad primam confirmationem respondeo , op-
timè dicere S. Thomam , quod qualitates , quæ
subjacent judicio rationis & voluntati , non au-
ferunt libertatem : inde tamen non licet inferre ,
qualitates omnes quæ antecedunt voluntatem ,
& judicio rationis non subjacent , tollere liber-
tatem ; maximè si proveniant à prima causa &
radice libertatis , & ad hoc dentur , ut voluntas
se liberè determinet , siamque libertatem exer-
cat , & de actu primo ad secundum reducat ;
ut variis exemplis declaravimus in tractatu de Dif. 6.
prædestinatione , exponendo concordiam liber-
tatis cum divina providentia & prædestinatione .
Unde cùm motio prædeterminans sit quidam ef-
fluxus à primo libero , & à prima totius libertatis & contingentia radice (infinita scilicet divi-
na voluntatis efficacia) procedat ; ac liberam nostrarę voluntatis determinationem , per mo-
dum causa seu principij actualis , prioritate na-
ture antecedit ; licet judicio rationis & volun-
tatis non subjaceat , ejus tamen libertatem non tollit , aut lœdit , sed fovet , conservat , & per-
ficit : imò repugnat , cā sublatā dari usum &
exercitum actuale libertatis , ut ibidem demon-
stravimus. Unde

Ad secundam confirmationem dicatur , Divum

Thomam solum velle , illud esse necessarium ,
quod est immutabiliter determinatum ad unum
per modum natura ; id est sine indifferentia ob-
jectiva judicij , & possibiliitate ad oppositum ;
quo pacto voluntas hic in via determinatur ad
bonum in communi , & in patria ad bonitatem
divinam clare vifam ; non verò si illud deter-
minetur immutabiliter ad unum per modum li-
bri , seu cum indifferentia objectiva judicij , &
possibiliitate ad oppositum , sicut voluntas ad
fuos actus liberos per divinam motionem im-
mutabiliter determinatur. Quare idem S. Do-
ctor qu. 6. de malo art. unico ad 3. sic ait : *Ani-
malia bruta moventur per instinctum superioris
agentis ad aliud determinatum , secundum mo-
dum forme particularis , cuius conceptionem se-
quitur appetitus sensitivus : sed Deus movet qui-
dem immutabiliter voluntatem , propter efficaciam
virtutis moventis , que deficere non potest ; sed
propter naturam voluntatis mota , quæ indiffer-
ter se habet ad diversa , non inducitur necessi-
tas , sed manet libertas.* Unde quando ibidem in

E corpore articuli docet non esse liberum quod
voluntas vitare non potest , hoc intelligendum
est de eo , quod voluntas vitare non potest , nec
in sensu composito , nec in sensu diviso ; non au-
tem negat esse liberum , quod etiā voluntas non
possit vitare in sensu composito , & potentia
consequentia , potest tamen vitare in sensu divi-
so , & potentia antecedenti. Nam ut ipse ait in
i. ad Annibaldum supra citato : *Quamvis con-
trarium ejus quod est volitum à Deo , non posse
stare cum voluntate divina , possibilitas tamen ad
contrarium potest stare cum ea , propter contingentiam
causa media : & hoc sufficit ad hoc ut effe-
ctus sit contingens , & non necessarius . Quam do-
ctrinam & subtilem distinctionem non valens*